

知本提綱 卷六

第六冊

卷六上

修業章

工業一則

卷六下

修業章

禮樂總論

禮業一則

樂業一則

通章總結

BF
1770
C543197
1747
V.6

Blank page with visible binding edge on the left and faint, illegible markings along the left margin.

明倫彙編
家範典
卷一百一十五

知本提綱卷之六上

茂陵楊 岫雙山著

受業鄭世鐸覺一註解

男

生洲子瀛

叅閱

受業永鉞龍雲從

晚門人朱石琪子蘊

同校

再晚門人韋宗秀

修業章工業一則

既知農養之重更明工利之要

此又申明工
作之業也。工

者。方作之名也。一元著體。養資於農。力農安
身。利賴於工。故農養之重。上既詳言。則工利
之要。豈可
不明乎。
民命非農不立。萬事非工不成。
此

言工所係之重也。民命猶言生人之命也。生人非農則饑寒至而著體毀。命固不立。然即欲力農而工道不講。器具未脩。法度未精。究必萬無一成也。工可忽乎哉。修齊藉

工而著治平待工而建

體。是為身。身所聯屬。

是為家。家所分統。是為國與天下。而修齊治平之道出焉。然究其所以著功而建績者。實無一不資乎工也。工蓋經營圖度者。工之本道之所係。不誠重哉。

也。耳目手足者。工之具也。耕織器物者。工之

質也。禮樂教化者。工之文也。

此言工道所該之廣。以著其利

用之實也。經營圖度。皆謀慮之意也。教化。禮樂之用也。凡百工作。必有其本。創始於經營

圖度則本立矣。又必有其具。受造於耳目手足。則具備矣。本立具備。則質成。一切耕織器物。莫非其質也。質成。則文生。玉帛鐘鼓。以宣其敬和。而禮樂以作。教化以行。此工之爲業。所以自上自朝廷。下至鄉井。粗之爲衣食居處。精之爲盡性復命。無不相資。而修身齊家治國平天下之道。實一以貫。權能原本於帝靈之也。工道之大。又如此。

制作自繼乎天工

此下言工之所由起也。權能原本於帝靈。權柄也能。才能也。天工。謂

造化之大工。卽帝道也。蓋上帝主宰天地。其權無所不統。其能無所不精。故能造化萬物。備用於人。人者。上帝之子。降衷分性。帝卽分以造物之權能。是人靈卽帝靈。人權卽帝權。人能卽帝能也。帝旣造物以養人。仍命人造物以自養。一物之微。始基終成。帝工人工。各

居其半。卽如麥粟。帝工也。而米麵則必待乎人工。絲棉。帝工也。而布帛則必待乎人工。凡人之制作。皆仰體乎上帝之造化。所謂父作子述之道。一而二。二而一者也。然則工之權能。本於帝靈。工之制作。繼乎天工。其重大固有如此者。生成消毀。不過

一念之化。遲速巧拙。良由兩體之分。

上言人之權能。

本於帝靈。人之制作。繼乎天工。誠以凡物之生成消毀。皆本帝人一念之所化。蓋念起。則物生。而成念滅。則物消。而毀起。滅轉於一念。成敗著於萬物。其權能制作之妙如此。但帝以神化。不需時日。不用材料。應念而成。天然之巧。人不能爲。人以形化。亦應念而成。然必需乎時日。用夫材料。而後竣其功。故念進工進。念止工止。較諸帝神之化。遲而且拙。良由

元著兩體之不同也。蓋元體純以神化。超乎形氣。是以速巧。著體之化。神滯於形。是以遲耳。拙一神兩化。萬物受造而生。念帥氣變鬼神。

運機而成。

此言工所由成。亦兼帝人而言。乃著體之化也。一。謂上帝與人性也。

神。卽神體之神。謂以無形造有形也。兩。謂陰陽鬼神也。機。卽陰陽理氣之機。帝所命也。蓋造化之成。出命者惟一。而後權無旁落。故帝以一而神。奉命者惟兩。而後職有感應。故鬼神以兩而化。然後定其理。則用其氣料。萬物固莫不受造而生。人爲帝子。權能原出一本。故一性主於中。亦一而神也。兩手作於外。亦兩而化也。而事物亦莫不受造矣。良由帝性均有帥氣之權能。旣皆以一神者主其念。理由念定。氣隨理變。鬼神乃運其自然之機。以

著兩化之奧。而萬物之生成。舉由於此。是帝性也。鬼神也。理氣也。五者相需。始能造物。乃帝工人工。一貫之妙。學者深思而自得之耳。而其詳仍見事帝章。功用叅造

化。精思即可通神。裁成妙萬物。熟習自無難

工。此下皆言學工之要也。上言帝人造物。皆需一神。兩化念帥氣變之妙。然其學之之

要。則惟在於精思熟習耳。蓋思爲神功。不碍色象。不阻形質。能精則貫微達奧。鬼神自來相告。而造化既不難。叅習爲形功。日積月累。日新月異。能熟則巧慧自生。裁成盡善。而世更無難工矣。學工化愚爲智。惟在察驗之誠者。可或忽乎哉。承上精思而言。思精則通神。通神則化愚爲智。是精思既爲甚要。而其所以精思者。則在

於察驗之誠。察者。察之於物。驗者。驗之於事。反覆考究。務得至是。然後鬼神來告。而功用可參造化矣。豈徒懸擬以爲思乎。**易拙爲巧。更貴經理之勤。**

承上熟習而言。習熟。則無難工。無難工。則易拙爲巧。是熟習亦非可緩。而其所以熟習者。則又在於經理之勤。經者。經營於內。理者。治理於外。夙夜竭力。日無寧刻。然後工巧無難。而裁成可妙。萬物矣。諺曰。一勤天下無難事。此之謂也。○按工原不專就匠作而言。凡人耳目手足所司者。皆謂之工。而其學之之要。實不越此精思熟習誠勤四法而已。苟能握要以圖。有不通**道明理氣則料法求規矩準**神而達化者哉。

繩以上統言學工之要。所該甚廣。此下又特言金木石土諸匠作之事。如造宮室作器

具等務。乃取日用之尤切者明之也。理指方圓平直而言。規矩準繩。卽爲方圓平直之成法也。帝工造物。有理有氣。人工亦然。蓋氣非理。則無準。則理非氣。則無材料。雖有智巧。亦何所施。故學工者。必先辨其理。則相其氣料。而後其工易成。然使則定料備。而無成法以守之。則方圓平直。亦難奏功。故又必循乎規矩。按乎準繩。乃能依則用料。而萬物無不成矣。

先識工師之任。次習削墨之職。

工師大匠也。以其爲

羣工所師法。故曰工師。削墨。羣工之職守也。工作之始。大匠以繩尺鳩工。羣工因其繩墨而削之。以落成焉。故曰削墨。蓋大匠繩尺。羣工各効其能。正如大將指麾萬衆。前後左右。惟其所使。然後克有成功。故學工者。當先格物窮理。以識工師之重任。然後量能受事。方

習削墨之末職也。欲善其事。先利其器。欲得其妙。必

覆其功。

覆。反覆也。承上言匠作之務。工師削墨。固有分責。然其所恃以成能者。又

在乎器也。蓋工非器無具。器非利難用。故欲善其事。必先利其器。若器具不利。雖巧工亦無所施。但器雖甚利。而其所事之妙。仍宜自得。苟欲盡其妙。尤必反覆其功。若一作不成。遂自棄而不復爲。則終身總無成工之日矣。此又學工之大戒。不可不知也。彼逸

我勞。彼易我難。較其用力固異。人一已百人。

十已千。及其成功則同。

此又統爲拙工示以學習之法也。質稟拙

魯。用力似難。然苟能加百倍之功。精思熟習。誠勤不已。則用力卽異。而成功實無不同也。

其目凡百其綱惟四

此下言工之綱也。人之身無事不資於工。其

目難以盡舉。而云百者。亦舉其大數也。然其綱則下四端盡矣。

身工有八。耕

織。針。廚。釀。醫。商。御。各精其能而身無不理。

身工

者。切身之工也。人生有身。身必有資。八者皆資身至切之務也。耕以足食。織以足衣。針以製冠服。廚以造飲食。釀以供酒漿。醫以療疾病。商以通有無。御以調車馬。八者所該亦甚廣。而其類則統於此。此能一精。則身得資養而可理矣。

物工有八。金。木。

土。石。水。火。獸。珠。各勤其職而物無不備。

物工者。一

切用物之工也。身資物以養。而身工所屬。半爲衣食。衣食之外。所資亦復不少。故又列此。

八者以爲物。工舉凡宮室陶冶舟車城堰器具什物及齒革皮毛鑽珠之類。無不該括。苟勤其職。則物備而身愈得養矣。事工有四。書數兵刑。各通其

技而事無不舉。

事工者應事之工也。身工物工既具而無事工。何以應務。

然事工有四。而其最要者。首惟書數。書以宣言傳道。數以參理計用。大而性命道德天文地理兵刑政治。小而制度文物醫藥農桑。及一切身工物工。無不取資於此次。則兵以除暴取物。刑以懲奸弼教。亦皆應務之要需。必各通其技。而後事始不窮於用矣。色工

有二。染彩繪畫。各善其藝。而用無不美。

色工者彩

色之工也。上帝造物。各具彩色。以備觀美。以悅心目。故又必彩以飾錦繡。畫以便觀覽。則

色工備而用自無不美矣。可不善其藝乎。此四者。工道之大綱也。

農工相資

爲用。養利各貿其功。

上以耕織列於身工之首。此復言農工者。見農

道之重。異於羣工也。二者相資爲用。各貿其功。生民有不相安而共享昇平者乎。

君

知工以臨下。民知工以奉上。王公卿尹。分工

於朝。士農工商。分工於野。吏者兵役。分工於

官。王伯亞旅。分工於家。共襄治道之隆。同享

休和之福。

此又推言君民上下。無人不在于工道之中。以見工道之大而重也。王

公。爵名。卿尹。官名。士農工商。吏者兵役。俱解見帥著章。王。家長也。伯。長子也。亞。次子也。旅。

衆子弟也。帝降生民。各司一職。卽各業一正。或勞心。或勞力。或明其理。或親其事。或督其功。或受其成。或總統於上。或分理於下。實無一人不在工道之中。乃能共襄治道之隆。同享休和之福也。工雖細務。所關不甚大哉。然惟男耕女織。固一定而不易。兼書數醫藥。亦盡人之皆宜。

此下分別工道

之輕重。乃執工之要也。百工之業。原不能盡兼。然男耕女織。書數醫藥五者。凡有血氣之身。皆不可忽。蓋耕織衣食所出。固男女之定職。書數乃開通明悟所關。醫藥更療治疾病所係。皆切身之要務。無論男女。於耕織之外。均當兼理也。餘則量能受工。人無廢事。因才盡職。世無廢人。

餘謂餘工也。承上言耕織

書數醫藥五工之外。餘工雖不能盡兼。然亦治體所關。不可怠忽。貽咎。若或世有廢人。人有廢事。則治道有虧。衆庶何能相安。必宜各量其能。各因其才。專精一工。然後人無廢事。世無廢人。蓋上帝生人。性無不同。而氣質各異。因而才能各殊。正所以使之相資相助。以共成治道。同享昇平。卽如明達者習政治。聰慧者習文學。弱巧者習細工。強笨者習粗工。瞽者習聽工。聾者習視工。跛者習手工。攣者習足工之類。皆帝命所關。缺一不得。故賦以相近之才能。俾分受其工。惟殫力盡職。方不違乎降才之命。豈可以勞逸爲輕重。清濁爲美惡乎。倘受工而不量能。或負才而不盡職。則廢事廢人之咎。均難免矣。試觀身家溫飽。必是力作順命之人。衣食窘艱。盡屬

慵懶廢職之輩。

此又就一身一家言受工之要。以申明廢事廢人之不可

也。蓋上帝生人。卽賦以耳目手足工作之具。人若受工盡職。卽是順承帝命。身家自然溫飽。若慵懶廢工。卽是違棄帝命。衣食之需。自然窘迫艱困。卽如乞丐等人。豈不皆是無工之身。廢人廢事之証乎。一身廢工。一身受累。一家廢工。一家受累。若廢之者衆。則貽害治道者。非淺鮮矣。

可知工道之甚要。莫解分執之實功。

承上文之意。反覆叮嚀工道之要。分執者不可解其實功也。

但工有專學

不能盡舉。爰畧述切要。惟憑自擇。

統承上文而總結之。

言百工各有傳受專學。不能盡舉。茲但畧述切要之道。以明至理。使人知所輕重而已。若

口本是同

卷之六

七修業江則人

欲學工。各自擇其所好者。
心誠求之。無有不能矣。

知本提綱卷之六下

茂陵楊

岫雙山著

受業鄭世鐸覺一註解

男

生洲子瀛

忝閱

受業永錢龍雲從

晚門人朱石琪子蘊

同校

再晚門人韋宗秀

修業章禮樂總論

養形莫要於農工。盡性尤重乎禮樂。此又申明禮樂

之業也。盡性解見順命章。蓋農養工利。固為養形之要。詐禮節樂和。尤為盡性之重務。修業者。豈可不急講乎。夫禮為五常之敬樂。乃一元之和。

其本皆具一身其用不假外至

此下統論禮樂之由也

節叙也。敬詳見下。禮則中樂。樂也。又藥也。凡人聞樂則樂。而五行五情之滯皆能調和。如藥之醫病也。和卽元體靈和之謂也。假借也。降衷分性。各命五常之德。仁本元和而情主慈愛。智則明達其愛而情主謙遜。義則聯屬其愛而情主容讓。信則固守其愛而情主肫誠。惟禮爲四端之體。節叙其愛而情則主於肅恭。肅恭著外而敬實居於中。又爲肅恭之體。蓋敬則主宰嚴明。節叙不紊。然後慈愛謙遜容讓肫誠之情皆得其正。而仁智義信之德始可全備。故禮道雖大。不越一敬而一敬之功更能兼貫五常也。至於和乃一元之本量。生發之真機。和則萬物生。萬事順。不和則萬物毀。萬事乖。然惟敬極而得其安。卽謂之

和而樂道之大。亦該於此。是則禮樂本於敬。和而敬。和皆具於一身。其用固不假乎外。至也。奈何忽焉。敬著形而為禮。序氣成物。和著而不講哉。

聲而為樂。達化通神。

氣造化之氣也。物兼事也。化即造化。神即鬼

神也。敬主肅凝。著則為形。而禮制焉。蓋造化生成。萬事萬物。皆有定而不易之則。而序氣成物。終資於禮。即如五倫。原有定分。制度文為。原有定規。使非以禮序之。何以成其倫乎。又如絲棉。本具製衣之材。使非以禮序之。則經緯無法。何以成布帛。而製衣乎。牛馬。本具耕田乘騎之用。使非以禮序之。則穿鼻絡首。鞍勒輓轡。無方。何以成其用乎。夫物不成。則氣不序。氣不序。則造化自紊。而要皆本於人心之敬。是敬為禮之原。而欲習禮者。誠莫

先於敬矣。和主流通者。則爲聲而樂作焉。蓋凡有形之物。皆具五行之體。卽含五行之神。聲者。五行之神也。人惟以樂達之。自然百物皆化。而鬼神並通。而要必本於人心之和。是和爲樂之原。而欲習樂者。更莫要於和矣。若舍敬而習禮。舍和而習樂。雖玉帛雜陳。金石迭奏。庸有當乎。敬和其原。顯著有節。愛之別。禮樂一

本。感通專性命之功。

此下言禮樂之功也。節品節也。和而不放。卽爲

敬。敬而不迫。卽爲和。本出一原。而顯著於外。敬則爲禮。而節物。使各得其所宜。和則爲樂。而愛物。使各獲其所安。其用不有別乎。然用雖有別。而其感通之功。究無二本。所以全其敬和之實。專於禮貴得中而勝。則離故和之盡性而復命也。

以樂。樂貴致和而勝。則流。故節之以禮。

此言又

禮樂之要也。禮敬樂和。本出一原。而禮又曰中曰節。樂止於一和者。禮內本於敬。而著形之等差制度。更有無過不及。大中之則。貴品節之以適於宜。樂則內本於和。而著聲之節。奏亦止要於和而已矣。故禮有節文。裁制貴得其中。而勝則太嚴。而不通乎情。人多離而難合。惟和之以樂。而中者得矣。樂專化導。調習貴致其和。而勝則太放。而逾乎其閑。又多流蕩而忘返。惟節之以禮。而和者致矣。然則禮樂必各防其偏勝之弊。而後克底於中和也。是在人之禮樂相需而化。氣血堅定而平。善於損益耳。

承上言禮樂節和。互相資需。化去流離之弊。則盛德積中。光輝發外。氣血之行。自必堅定。

而平。蓋人以五行著體。氣血實爲大綱。禮樂偏勝。則氣血乖亂不平。凡一切容貌辭色之發。皆不得其當。而人之愛敬者必寡。若禮樂既合其宜。則氣血自得其平。凡與交接者。望其容貌而弗敢慢。瞻其顏色而弗欲疎。聽其言論而弗忍欺。推而及於天下。莫不愛敬如一。若不明禮樂相需之化。惟令氣血用事。或拘迫太嚴。致人乖離而不親。或流蕩忘返。致人褻狎而不敬。既不責已之非。必日咎人之失。此流離之弊。所以益甚。而立身處世之道。終不得敬和主中而御外。禮樂制外而養中。其要也。

惟內外之協應。自性形之兼調。外無內德。斯爲鄙詐之行。內無外養。斯有暴放之失。此言內外

相資之要也。敬和天德也。禮樂養德之具也。敬和天德主於中。以御乎外之禮樂。禮樂儀器制於外。以養乎內之敬和。內外協應。不惟形調而氣血常平。亦且性得所養而全仁復命。蓋敬和爲元靈之實德。通帝之要道。特以著體多欲。不無失德之漸。故以敬和著爲禮樂。卽以禮樂養其敬和。二者原屬相需。若外無內德。則爲鄙詐無實之行。內無外養。亦必有暴慢流放之失。性形何以兼調乎。是惟修禮樂者。必內外交致其功。而後能實獲其效也。敬和固終身不可失。禮樂尤斯須不可離。此又承上文之意而歸重於禮樂。以見制外養中之不可緩也。斯須頃刻之間也。敬和爲禮樂之本。固終身不可失。然敬和不可見而禮樂有可循。凡人所以異於物而不失其敬。

和者。以其有禮樂也。若斯須或離。則五常百
行。卽皆乖亂而不治。而暴放奸邪之行。迭出
其中。惟君子深知制外養中之功。刻不容緩。
故威儀常設於體。琴瑟常盈於耳。務使莊敬
日強。仁和復還。不自知其入於聖賢之域也。
是以禮制而別造化

之宜樂作而發陰陽之和。

此又推廣禮樂之極功也。別宜卽上

所謂序氣成物之說也。發和卽上所謂達化
通神之說也。禮樂之功。不僅養德。卽如造化
生成。凡有至著之物。必有至微之理。依於其
中。惟禮能一一區別。使得其宜。造化始不爲
虛施。而天生地成。自然各得其職。且陰陽五
行。不無窒礙之氣。惟樂作而蕩滌消融。能暢
發其所以生成之機。而感通蓋通帝衷而復
元和。陰陽更無愆忒之虞矣。

元命惟藉敬和之實致中和而符感應元賴

禮樂之功

此統結上文之意也元命五常也言通帝復命吾人要務必敬和無

失至仁克全然後帝衷可通元命可復而欲致其中和以符感應之機著嘉祥之休則又非禮樂不爲功蓋天地之氣與人身之氣聯通無間果禮至得中樂至諧和則吾之氣順而天地之氣自無不順嘉祥之休自無不臻雖大君帥一國之氣家長帥一家之氣師長帥一學之氣性帥一身之氣大小各殊然其功化則一也修業者可不以禮樂爲要務哉

修業章禮業一則

帝命五常禮著人倫之首禮節四端順承全

仁之命。

上既統言禮樂之要。此下則申明修禮之實也。倫常解見首章。人倫之首。

謂君臣也。君臣肇建人極。故為人倫之首。而禮實著於君臣之倫。蓋禮立而四德始有其

體。君臣立而四倫始有其綱。二者相應。本出一原。是以明倫莫先於君臣。全仁莫先於禮

德。禮本元仁之畏敬。即為四端之節。叙必禮節既修。而後全仁之命始順承而無少違矣。

禮立而五常之體分。禮行而五倫之道著。此

言禮所關之要也。禮者。五常之一。專言禮者。

以仁智義信。皆有情而無體。惟禮有體。四者

乃相依以著也。故五常非禮不分。而敬實為

大禮之體。敬立而慈愛可以見仁。謙遜可以

見智。容讓可以見義。肫誠可以見信。一禮立

體。而四德乃由以分。是五常其體於一常也。

且五倫非禮不著。禮行而尊卑上下內外長幼有其等。容貌辭色拜跪揖遜有其儀。然後君公臣忠。父慈子孝。師明友正。兄弟恭。夫敬婦順。五倫之道亦無不著矣。禮之有關於倫常者。如此。五常互藏立體準於禮德。五倫交輔。

節叙定於君臣。

此又申明禮為倫常之要也。五常互藏解見順命章言五

常一本得則俱得。失則俱失。固有互藏之用。要其立體實皆準於禮德所關尤為甚重。良以禮者帝命之節叙。若非以禮為準則明達非其智。晦屬非其義。固守非其信。而至愛之仁。又何以成全乎。至於五常著為五倫。原有交相輔仁之責。而禮既為四常之體。君臣自為四倫之綱。蓋上帝生人造物各具節叙。惟君臣道立始能別造化之宜。以定此節叙之

知本提綱

卷之六下

修業禮樂六

準使人得畫一持循不至紊亂而五倫自皆
各全本仁也是以在性體則禮立而主宰嚴
明五常各依其則在人倫則君臣立而主宰
分定五倫亦各盡其職禮為無形之君君統
有形之禮故曰禮著人倫之首而四業之倫
修惟專乎禮則仁智義信自然貫其中矣倫

常相符五倫各含五德節叙惟禮五常勿使

一失

節叙謂節叙五倫也五倫各含五德亦解見順命章言五倫符於五常而一倫

之中又各含五德而後成如有一端之失即為悖道而喪倫五常之均重如此然其節叙之要則又專資乎禮立四常之體垂五倫之範維持防閑勿使有一德之偶失而後倫常兩全
也人非禮不立物非禮不成此又推廣禮德之要以見

其甚重而不可輕也。言禮爲倫常之體。人固依以立。物亦賴以成。卽如鳥獸有頭蹄爪牙。毛羽牝牡之規。草木有華實枝葉身幹層次之序。均含井然不紊之則。而備用之功。又各需禮以裁成之。始合其宜而不誤於用。性皆物之需禮者尚如此。人可頃刻或離哉。性皆同原。不因聖愚有異。禮本各具。惟在修悖分途。裁成仍以本禮事物自各得所。上文備言禮德之重此下言修悖之分也。禮具於性。性分於帝。人盡同原。本無少異。而聖愚之分。惟在乎修悖之間。然其所以修之者。其裁成亦仍以本有之禮節之。而初無外假萬事萬物。自然各得其所。蓋禮則生於敬。著於恭。辨於等。行於儀也。

總持凝於一本散殊貫於六合

此先言制禮之原也敬者

主一無適之謂恭者莊恪不放之謂等者尊卑上下內外長幼之等差也儀者視聽言動坐立行趨容貌顏色飲食男女之儀則也總持猶言總領也凝聚也一本一心也散殊細微也六合上下四方也言大而天地日月小而昆蟲草木莫不有禮以貫之也蓋制禮有大原內生於敬外著於恭辨於等差行於儀節約而操之則總持凝於一念博而推之則散殊貫於六合良以性所自具故易知易從而又範圍不過曲成不遺惟在操其要而修之禮教自可興矣

修則察乎倫別乎物準乎已範乎

人節叙統乎五綱防維廣乎萬端

此方言修禮之要也

倫五倫物萬物也五綱謂君臣官民爲國禮
祖孫父子兄弟叔姪宗族爲家禮師友戚黨
爲鄉禮夫婦男女爲室禮而內敬外恭等差
儀節又統於一已爲身禮也維維持也萬端
乃五綱條目以及衣食居處婚喪祭賓之屬
所該甚廣也蓋修禮有大要察乎倫常別乎
物理準乎一已範乎萬民統而言之節叙惟
有五綱廣而分之防維約以萬端精詳細密
要皆所以行其儀辨其等著其恭秩序自在
惟恐偶失乎敬以致漸悖乎禮也秩序自在

人心何假外務修飾私欲各生形體宜防漸

蔽性靈

此下言悖禮之失愈見修之爲急也

增也言敬恭等儀乃禮所本有之次序自在人心不借修飾但依形生欲私已之念實所

扣本題圖

卷之六

下修業

禮樂

不免若不豫為防範。以致欲盛難制。性靈漸蔽。為害不亦大哉。大或干紀滅

倫而悖帝。小亦傷恩害義而逆命。逆命則和

氣紊。悖帝則生機塞。干犯也。紀法紀也。生機

禮盡倫。帝命當然。若禮防既失。性靈漸蔽。一經利害。勢惟自知。私利不顧。天倫大或干紀。

滅倫而悖帝。小亦傷恩害義而逆命。夫人受生於帝。順命則和氣相通。而生機自暢。苟小

逆帝命。氣即紊而不和。若大悖帝慈。自絕上機愈塞而不通。凶禍有不迭出者哉。自絕上

通之仁。必失眷顧之恩。是求利而反害直生

困而死艱。蓋人之所以通帝者。賴有仁耳。若和氣紊。生機塞。是自絕其仁也。絕

則不能上通而眷顧之恩必失乃原其悖禮
私已之意未嘗不欲自利而竟反受其害生
困死艱悔何及哉
聖王明其故循帝命之條理而立

法救失智者守其法依性具之節叙而檢身

防欲此下詳言修禮之實也檢束也上言悖

能自振惟聖王仁和無欲深知其故循帝命

自然之條理而立為法制以救其失是禮之

所由作也惟智者知全仁之道在於修禮禮

制之作不由外假故遵守王法依本性自具

之節叙而檢束已身以防其欲是禮身有內

外之別檢有本末之分內謂性情外謂官骸

也本謂內省之功末

口本是岡
卷之六下
修業禮樂九

謂外制之功。以及諸儀節也。蓋身為國家鄉
室四禮之大綱。所關甚重。而實有內外之別。
則檢之亦當有本末之分。自然本立末修。內
外相應。而欲念自消。若不先立內本。徒務粉
飾於外末。而求其存誠主敬。務使心密於修
省。純一事帝之謂誠。主於純一而無適之謂
敬。敬則彌誠。誠則愈敬。人能深體此二字
之實。則安身復命之要得矣。言檢身防欲之
道。莫先內檢其心。心為明堂聽政之所。性君
明理統御。必使誠存於事帝。敬主於純誠。一
念之起。自修自省。時密其功。無使私欲昏蔽
然後本立而末始可節叙也。
制外養中。更求躬踐夫儀節。
踐體也。儀節。即聖王所立之法也。言修省既
密。內念固有所檢。然使外無制防之道。以檢

其身則持循無準。欲必旋滅而旋生。故又必躬踐實有之儀節。制於外以養其中。務使內外交修。本末並飭。欲自日消而仁始可全也。是以欲盡外節之道。

先謹內省之功。

此下詳言內省之功。乃禮之本也。內省者。一念之發。卽加

省察以克去其私欲。實爲存誠主敬之要。苟不先謹乎此。縱外節周備。要皆僞而不實。亦何益乎。鑒觀不爽。念慮常通乎帝衷。質臨可畏。

鬼神更嚴于人責。

鑒觀質臨。俱解見事帝章言吾人性分帝衷。常相聯

屬。故帝實凜凜在上。照鑒我性。無須與之或離。念慮之起。卽與帝衷相通。一動一靜。毫髮難逃。帝鑒欲不誠敬。旣不可得。况鬼神之質臨。尤爲可畏。凡念慮之微。幽隱之行。他人皆

印本

是綱

卷之六下

修業禮樂

不及知而已身之鬼神已爲傳布。既不能欺
已身之鬼神。豈能欺天地之鬼神。故吉凶禍
福。吾人惟起一念。鬼神卽應。吾人之念。運機
而化成。是鬼神之質臨。更嚴於人責也。上有
帝鑒。旁有神察。內省之功。自不容已矣。
順明命於未發。因小慮

大。遏人欲於方萌。見微知著。未發。念已動而
事未發也。遏止

也。萌生也。內省之功。不越順命。遏欲兩端。順
命在於全仁。遏欲在於帥形。故當事爲未發
之時。常存一順命之念。卽一事之小。亦慮及
於帝命之大。而不敢不勉力順承。以全元仁。
若或欲念方萌。雖微而未彰。然鬼神傳布奉
行。已有昭著之機。宜速加遏止。不可稍有從
形之私。以逆命而取禍。而內省始不虛矣。
氣偏當克。常惕几杖之

銘。惕敬也。几。案也。杖。扶行之具也。銘者。書也。

謂凡於日用器具皆書自警之辭刻以爲

戒也。承上言欲念固當遏止。然人之所欲亦

各不同。如多怒。多淫。多貪。多忌。多慢。多傲。多

爭。多詐之類。其病非一。以其氣稟之各有所

偏也。過欲者宜先嚴省已偏所在。力務克去。

毋得因循從形。以致欲盛難制。但偏氣用事。

習慣不由自主。必於几杖之間。皆書警戒之

辭。使朝夕省覽。觸目警心。然後有所敬惕而

偏可化矣。其獨言几杖者。舉一以爲例也。凡

一切日用器具及戶牖出入之處。俱宜嚴勒

箴銘。以爲克偏化氣之助。乃能外嚴內密。無

適而不收。修物誘宜防時凜固述之懼。

凜。猶省之益也。謹也。

內省防欲之功。固宜克其偏氣。然外物之誘

尤所宜防。蓋上帝命物備用。一物各具一理。

用當其理。則欲念無自而起。若不知用物之宜。逐境生欲。如飲食男女衣服酒財宮室玩好之類。一入其中。卽不知返。其欲甚於偏氣。是爲物所誘也。故必常省內念。所係何事。所戀何物。時謹囿迷之懼。自然用物而不爲物用。欲又何由生乎。至敬有倍加。

欲消卽現真禮。精誠無少間。仁純自著。天則

此言內省極密之功也。凡言天者。皆謂大也。禮乃帝之大命。仁之節叙。本性自具。不假外求。特以從形生欲。遂至失禮喪仁。內旣不治。外自無節。然私欲之生。無過氣偏物誘二端。若果內密修省。上畏帝鑒。旁畏神察。化偏防誘。極於至敬。而尤倍加其功。則欲念盡消。而本然之真禮自現。且敬則積誠愈精。無少間斷。真禮現。卽至仁純。旣誠於中。必發於外。無

形達乎有形。辟面盎背。不言而喻。則天則自著。而事事合法。頭頭是道。無一能踰乎規矩之外。誠敬內省。然念慮雖謹。尤嚴制外之規。之功。豈不要哉。

等儀必詳。爰定檢身之律。

上文備言內省之功。以端其本。此下

乃言制外之道。以著其實也。蓋念慮之謹。雖能防欲於未萌。防禍於未兆。然使外行不嚴。即可動欲亂中。而凶禍仍屬難免。故又必詳立等差儀節之規。遵循持守。定為檢身之律。然後事著於實。而內省之功。愈易為力矣。視聽言動有其法。言性本帝降。仁和無欲。而諸欲之動。皆從形生。如有機焉。一觸其機。即陷八其內。終身不能去。蓋一性主中。百體奉命。人道之貴。實異萬物。而其感通之要。則有四關。曰視曰聽。凡外欲皆由

此入。是謂入關。曰言曰動。凡內欲皆由此出。是謂出關。且出入相循。愈陷愈深。展轉生矣。畢世難消。譬如一日習跽語。終身口吃。而不能易。良由視聽言動。各有帝命一定之法。一有少違。卽屬逆棄。帝命視其大小。緩急均足。生欲取禍。是宜謹慎。點檢務合定法。卽如毋竊視。毋側視。毋游目亂視。凡邪色穢跡戲具私書。皆宜勿視。惟觀人察物。及讀一切經傳有用之書。皆宜熟視。又如毋竊聽。毋側聽。凡陰私是非穢語戲詞。皆宜勿聽。惟君命親命師訓友規。一切正直有益之言。及審定音律皆宜詳聽。又如毋輕言。毋多言。毋詐言。毋激言。毋妄問。毋隱哂。毋掀唇。毋狂笑。凡竊發人私面。許人短。擅議時政。侈談惡行。卽護已過。矜誇已能之語。皆宜勿言。惟人善宜明揚。人過宜密規。諫尊長宜婉言。誨畀幼宜溫言。及

一切性命道德之旨皆宜時爲言論切勿少
閒又如毋忘四恩悖道求福毋殘五倫損人
自利毋惑於異端毋陷於四惡凡玩戲游惰
之事皆宜勿作其所皆宜勿往惟謁師訪友
及一切修業盡倫職守當然之務皆宜勤動
經理更勿少怠之類自然諸欲不生而內檢
者益坐立行趨有其度趨疾行也事有輕重
密也命之節叙也蓋感通出入咸由四關而視聽
言各專一職惟動則所該甚廣故又申明其
意凡一切坐立行趨之間各有式度苟不加
防非失之狂躁卽失之俗腐均非慎動之功
是惟修禮者一一恪守式度不敢從形便安
卽如坐毋箕踞立毋跛倚行毋輕佻趨毋躁
急之類自然品格端容貌威儀有其準威儀
嚴而欲愈不生也容貌

之文也。總承上二句申言制外爲養中之要。不可不謹也。蓋元體本至仁而無欲。欲者著體之所生。不制於外。徒防於中。則欲之根株未去。此制彼發。朝制暮復。豈能盡消無累。惟嚴制其外。凡一身容貌威儀之間。皆準以帝命一定之節。叙不使少有隕越。良以外之容貌。卽內之磨礪。外之威儀。卽內之英華。外增一分謹慎。斯內消一分私欲。自增一分仁和。卽如頤日端莊。顏色溫平。辭氣雅肅。手足恭重之類。自然容貌悉正。威儀盡善。則制於外者。旣嚴而養於中者。誠敬益篤。大禮始無不修也。

飲食男女有其則

此又於容貌威儀之外。切舉二端。以見尤爲檢身之重事也。飲食男女。詳見調攝章。此特言其培體遠別。自有帝命不易之則。不可少違。卽如雖饑不食不義之食。雖渴不飲無名

之酒美味勿多食其食勿飽食又如齒序異
長行道異路不同器用不同居處飲食之類
誠能一一順則欲念自益潛盡倫理交輔之
消也檢身之功不更密乎

職承上言視聽言動坐立行趨容貌威儀飲
食男女之道固皆為檢身之實而倫理者
尤奉帝命之節叙繫屬一身交相輔仁以為
歸闕復命之階誠能以內外並檢之功互相
輔佐務期一身五倫共全本仁則職守習周
既盡眷顧自通而福祥始有由來矣

折恭遜之體

行圓曰周行方曰折統言進退
登降應對之儀也遜退遜也蓋

倫理交際一失粗率輕則貽羞重則起爭所
關亦屬甚重故必勤習其體凡日用應接皆
有恭謹退遜之容即如揖必深圓拜必從容
界不踰尊少不先長主不輕客客不慢主之

類一勤習務使有雍容和雅之美則交接無不善而檢身之功乃全矣。○按自視聽言動至此皆言檢身之禮而所註之儀節實乃酌述大畧以爲持守之端至其詳則列後禮儀門中再爲以有形而養乎無形以大禮而參稽可也

全乎至仁蓋檢身之功有形之禮也檢心之功無形之禮也盡其有形則無形

者愈得其養有形無形兼盡則大禮自無不立禮者仁之節叙禮立而至仁有不全乎此修禮之功所以誠敬主於中恭順著於外內爲全仁之要也

立天德外修儀節乃通帝之要道固盡人而

皆宜。此又統結上文檢心檢身之功以起下文之意也蓋誠敬主中則天德立恭順

著外則儀節修。二者並盡。禮立仁全。實屬通
帝要道。人皆帝子。各受大命。即宜各加修明。
不可從形廢失。以致
喪元仁而悖帝眷也至於郊祀軍旅婚喪服

御事並通乎國家鄉室。用不越乎制度。文為

大君主其制作。萬民效其觀法。

上備言檢心
檢身之功盡

人皆宜。此下言國家鄉室之制度。文為而歸
其制作之權於大君也。郊解見事。帝章祀則
祭山川羣神。以及宗廟先聖之總名也。土庶
之祭亦統於此。軍旅者治兵之政。所關甚大。
凡上將偏裨。以及步伐止齊之間。皆有相接
之禮。不可隕廢也。服御謂冠服。及一切宮室
器用之禮也。以上數端。乃國家鄉室之所均
重。然其所用皆屬制度。文為隨時而定。非若

檢心檢身之功。爲不易之則也。惟大君聰明
首出。主宰寰宇。操此制作之權。以爲畫一之
典。萬民亦惟仰效觀法。自可謹身寡過。此卽
帝命節叙。不可少違。修禮者可不務遵時乎。
齊億姓爲一律。共享同風之治。約四海如一

家咸樂。邽隆之休。

齊一之也。邽隆至盛也。承上言大君主制作萬民效

觀法。無參差專擅之弊。絕殊鄉異俗之患。所以齊億姓之衆爲一律。約四海之遠如一家。而同風之治。有不共享邽隆之休。有不咸樂者乎。不得私心自用。有

乖統屬定規。

言大君所以操制作之權。使四海億姓皆歸畫一者。誠以天下

之勢。必統於一。而後定。定則安。安則同。享昇平之福。而成熙皞之化。正不得鄉殊俗。家殊

師。私心自用。有乖統屬定規。為經為曲。總在致生人有不安之大患也。

明性以帥形。或損或益。尤期遵王而守法。上二

節。明大君主制作之意。此一節言萬民效觀

法之實也。經。禮之綱也。曲。禮之目也。經。禮曲

禮。條件繁密。然其大要。總在明性帥形。由中

以御外。而其經曲之內。或損或益。時王自有

良法。尤期遵守無違。禮貴得中。文繁即是失

而禮節始無不修矣。

節。道惟心安。見泥自屬矯揉。此下切言修禮之要。以見大禮

外本乎內。制因乎時。原屬易修之業。以總結

上文之意也。此所謂禮。專謂儀節也。道。即謂

禮也。泥。拘也。矯揉者。勉強造作之意。蓋禮之

為用。以全仁為得中。此帝命之節。叙也。無禮

固失於野。若徒懲其鄙野。踵事增華。必令文繁失節。細瑣難行。尤非得中之道。不思禮道原貴得中。審其輕重。定其詳畧。心安卽是帝命。若見識拘泥。含已心之所安。而外求節文。自屬矯揉造作之私。而非帝命節叙之本然矣。○按此節乃修禮切要之務。而道惟心安一語。尤爲修禮之原。卽如漢叔孫通以朝儀不肅。曾制漢禮。使朝儀整齊。人皆帖然。高祖親謂樂於爲君。立四百年之基。是卽心安是道也。而後人徃徃譏其失古。豈通達時務之言乎。又如宋之陳烈。值友人之喪。執詩所云。凡民有喪。葡萄救之之意。帥其門人。皆俯躬徃弔。又豈非拘泥矯揉之明驗哉。

制度因時。性形同原。至道

務求乎實踐。天象昭垂。物則顯示。大禮尤燦

於目前。

至道亦謂禮也。天象物則。謂如聖王觀星辰以制章服。觀拱鼠以作儀節。

之類是也。吾人苟泥於修禮。矯揉造作。必至舍近求遠。妄滋紛更。不思制度損益。時各不同。自宜因時守法。即可謹身寡過。至於性形本屬同原。內外兩檢之功。豈有殊致。更能力行不怠。何難禮立仁全。可知至道原貴實踐。不在繁文。若一有拘泥。已失帝命之節。何以爲禮。况天象物則。皆垂示修禮之法。至爲昭顯。聖王每因此以定規程。吾人誠一仰視俯察。自知大禮燦備目前。又何必舍近求遠。自取矯揉之咎乎。○按制度隨乎時制。禮德在乎力行。力行不藉助於古人。時制豈需賴於古典。理本易明。無容過泥。乃後人力行甚少。徃徃淺視時制。徒怨秦火焚毀禮書。不思秦火所焚者書也。豈併吾人之性形與時王之

制作及天象物則之至理而一概焚之乎。夫猶是時制。猶是性形。猶是天象物則。古人處之而禮修。後人處之而禮失。可知禮不在乎古典。而在乎已身之力行。若不力行實踐。徒泥古典。不惟取生今反古之咎。且一已身心兩無所檢。終至廢禮棄仁。泥古者果何益乎。

興廢係教化。何關氣運盛衰。聖愚非性生。惟

貴禮節明備。

氣運氣之運行也。禮節兼五綱而言也。蓋世道之興廢。惟以教

化爲盛衰。而於氣運初無所關。知氣運之無關。愈知聖愚之生。亦非其本性有殊。惟是禮乃帝命之節叙。盡之者斯爲聖。失之者斯爲愚。而明備之美。自宜急爲修明。良以教立禮明。則世道興。而人多聖。教失禮晦。則世道廢。而人多愚。是世道之興廢。生人之聖愚。均係

禮樂教化而禮節尤教化之先務也。修齊治平咸有賴焉。修之烏容已哉。○按後人是古非今。捨近求遠。往往謂上古氣運最盛。故多興而常生聖人。後世氣運日衰。故多廢而不生。聖人不知上帝生人。至爲公普。由古及今。運行惟一氣生成無二道。豈有前盛後衰之理。卽如周列三代。春秋之時。尚爲近古。已有侵奪詐僞之患。甚至父納子妻。子烝父妾。臣弑君父者。繼踵不絕。載在典籍。昭然可考。若云此卽日衰之漸。則降至漢唐。當無復有寧居矣。何以聖君迭出。治日反多乎。斯爲通帝之先資。莫懈消欲之首務。

此總結禮業之意也。言禮樂共出一原。其功並重。然禮爲樂體。必先防檢內外。使主宰凝定。誠敬無間。而後和之以樂。使無流蕩失節之弊。故吾人修業盡倫。

知本抄卷之六
上而通帝禮爲先資下而消欲禮爲首務惟
在循序漸進自然體立而用亦行矣而其詳
仍見後禮儀門中

修業章樂業一則

禮樂相需流離切勿偏勝敬和一本體用自

宜兼修

此又申明修樂之實也體謂禮爲樂

於和禮樂原屬相需切不可一有偏勝致生
流離之患良由敬和一本禮明欲消中心已
有太和之意復用樂以暢其天機乃能欲化
仁全此固體用兼修之道吾人所宜盡心也

夫性分帝衷元靈仁和而依形形成五行生

覺凝合而載性。

此下先言性形之分。乃用樂之由也。人生性形實有兩體。

故性分帝衷。以元靈之仁和。依形著立。如日映水。形成五行。以生覺之凝合。載性順從。似水承日。知此兩體之妙。則生人之大要。既得而樂和之功。自不容已矣。詳仍見帥形章。

性無昏明之異。形有清濁之殊。

承上言人性皆分於帝衷。

稟賦惟均。純一仁和。併無昏明之異。惟形成於五行。感受參差。實有清濁之殊。性依其中。於是亦有智愚之別矣。性能帥形而化。形能囿性而逃。

性以無色象形質之元體。主乎有色象形質之著體。實屬一本相符。故念動氣隨。自能統帥其形。歸於中正。以變化乎氣質之偏。然性既無色象形質。凡天下有色象形質之物。自

不能蔽錮其明。宜其皆能帥形而無所迷。乃性依於形。卽因形生情。順命爲理。逆命爲欲。欲亦無色象形質。實能因此無色象形質之性。是謂形囿。而本初之仁和。自此迷矣。蓋性能帥形。亦能從形。形能順性。亦能囿性。形性之間。帥囿之分。誠不可不審也。明性

方可帥形。化形自然。釋囿。

承上言形能囿性。則帥形釋囿之功。

愈不能已。然欲帥形而不明乎性。形不可得。而帥也。釋囿而不化乎形。囿亦不可得。而釋也。故必先以自性之靈格物窮理。深明吾性之依形。原借此形以明道立功。豈可從形生欲。以益其過。然後性權自勵。主定端本。方能統帥其形而歸之中正。且性爲明道立功之主。形爲明道立功之輔。又豈可任其偏質。不爲帥化。致有乖情生欲之弊。惟旣以禮節之。

又必以樂和之。則欲化而形亦化。形化而欲
不復生。於是欲之錮固盡釋。而性之本和自
復矣。○按以上四語。精絕千古。乃立身之指
南。入道之津梁。誠能一日三省斯言。其進機
自不能化形莫先於禮節。禮節尤資於樂和。
此下言樂之用也。形易生欲。惟先以禮節之
則形有所檢制。而欲無自生。然節以禮而不
和。以樂則天機未暢。而仁和之本樂猶未能
復還。此所以禮節者尤資樂和。而後爲化形
之全功也。夫陰陽有氤氲之機。五行有合和之化
功。氤氲合和俱解。見首章。此推本形聲之始。而
言陰陽氤氲五行自然合和。機發而化成人
之形聲始凝而成體者。其氣也。通而成聲者
有自來矣。凝而成體者。其氣也。通而成聲者。

其神也。

神。卽鬼神之神。言土水火天。合和一氣。故能凝成人物之體。而每行之中。

又各具一

神。氣凝則神通。以成人物之聲。此形聲之原也。旣知其原。然後可言樂之功用。

矣。

兩神相符而感應出。兩體相接而間隔通。

符合也。人當受造之後。各成一體。各具天地。

使無以相通。則塊然者何所知乎。惟神通而

成聲。聲發而兩體之神。交相符合。感應之道

於以自出。然後兩體間隔之關。始得接通而

人道

五聲成文。謂之音。五音相諧。謂之韻。

成文。

謂各成其聲也。諧亦和也。感應之出。間隔之

通。皆賴於聲。聲之所關。誠爲至要。然五行各

具一神。五神各發一聲。五聲各成其文。是謂

宮商角徵羽之五音。五音相諧。無過不及。渾

然一體乃韻之所由名。而樂之所由作。皆造化自然之妙。非人力之所能強。為矯揉者也。韻者。五神之合。和所以感通乎五行之體。體

者。五行之合。和所以符應乎五神之聲。五神者。宮

為土之神。商為水之神。角為氣之神。徵為火之神。羽為天之神也。言韻乃五神之合。和無太過。無不及。故能感通乎五行之體。有應。而體亦五行之合。和無偏勝。無攻滅。所以能凝合化生。符應乎五神之聲。是形聲本出一元。而其相需之妙如此。樂之所以不可須臾離也。樂功由此而著。人道賴斯而成。此斯者皆指上形聲之相需而言也。蓋惟形聲相需。則感應之資。自不可無。而樂功乃由以著。人道自賴

知不足齋叢書 卷之六 三

也。以成。蓋二儀分。四有具。五常賦性。五行立身。

外凝五官。指元首與手足而言內結五臟。著為五倫。發

為五情。通為五音。感為五神。體雖殊而理實

一本。用即異而氣聯一元。此下言樂之要也。二儀解見首章蓋

總括造化之妙而言。大而天地。小而人身。雖

有二儀。四有五。常五行。五官五臟五倫五情

五音五神之別。然殊其體而理皆本於帝道

異其用而氣共聯於一元。則樂固非外假之
端而人之用樂亦非
外鑠之事可知也。故感應盡造化之妙。音
樂收性情之功。天地人身既皆一氣聯貫所
以大而風雷晴雨小而草木

鳥獸精而鬼神粗而人事有感卽應無非一
氣相通而造化之妙實盡於此至於音樂尤
屬感應之專職蓋五聲本乎五神五神運乎
五行五行化乎萬物萬物成乎萬事故音樂
一作而順氣成象嘉祥著休感於外者如此
而感於內者自然欲日化而仁日全是以禮
節更兼樂和而後理性陶性依於形而不限
情之功始收其實效也

於形樂作於器而不滯於器

此又著其收功之實也器卽金

石絲竹匏土草木之屬是也蓋性雖依於形
而有自主之權無色象形質之迹本體之中
各具天地是本不爲形限也惟樂亦作於器
而流通無碍究不滯於器而純以神接不有
合於性之不一性之所發爲情情乖爲欲欲盛
爲形限乎

則圓性猶烟冰之阻水火樂之所發為音音

和為韻韻通則化欲如針芥之應磁珀針芥磁珀

俱解見帥形章言性固不為形所限而依形發情情乖為欲欲亦無色象形質而不限於形故積盛自能圓性猶烟冰之阻水火蓋烟盛則鬱火冰盛則滯水是其阻之者即其生之者也且欲既圓性無物能解惟樂發為音音和為韻韻通五行之神即能同類相感與人身之神兩相符合如磁之引針珀之拾芥而後欲可得而化圓可得而解矣四無

原同乎性欲兩神自妙於類求

四無者謂無色象形質也

兩神者謂樂之神與人之神也蓋樂作於器而不滯於器亦無色象形質與性欲原屬同

類自然兩神相符感通無迹而以類相求故能宣鬱解慍消融渣滓蕩滌邪穢理正性而返天真無非是以本於仁生於和著於音布樂道之妙也

於器齊之以律節之以序其性通神而達化

其情窮本而知變

此下言修樂之原也律者律也造化自然之音具於

器中別名以定若律之齊物卽黃鍾太簇姑洗蕤賓夷則無射大呂夾鍾仲呂林鍾南呂應鐘之屬是也序作樂初中終之序也神化指鬼神氣化而言也窮本知變謂窮其音之所本知其音之所變指吉凶感應而言也性情猶言體用也蓋仁和內具樂非外假一切音器皆本性之仁和所著而布而齊之以律節之以序遂使樂之功用昭然顯灼性則通

神達化而發天地之和氣。情則窮本知變而別吉凶之真機。是在內之性。與在外之樂。以神相接。原本一體。一無所不和。一乖內含無所不乖。惟在修樂者之自審而已矣。
五常之德。外感五行之和。言樂之所以能通者。良由樂有五音。五音本乎五神。五神應乎五常。理原一貫。故五音之內。宮信。商智。角仁。徵禮。羽義。各含一常之德。自能合和流通。感土水氣。火天之神。平其乖戾之端。而發其和氣。使有吉。而無凶也。
清明象天。廣大象地。升降象水火。

節奏象氣運。

升降指抑揚高下而言也。節奏指頓跌流行而言也。蓋樂既通

乎五神。合乎五德。感乎五行。是以聲之清而明。晰者。則象乎天。聲之濁而廣大者。則象乎

地聲之抑揚而升降者。則象乎水火。聲之流行而節奏者。則象乎氣運。夫造化至大。人物至繁。要皆五行之所變化。成形成體。生生不息。乃樂則通乎五神。含乎五德。而感乎五行。其爲功亦曷。故五音動五臟。調五情。養五常。有紀極哉。

韻和欲化。神速而無迹。

言樂之五音。既出於五神。而感乎五行。人

之五臟亦成於五行。而具乎五神。故五音之作。內外兩神。自相感通。卽如韻鑪定準十二律之鑪。或以簫管吹黃鐘之音。則黃鐘之鑪不擊自鳴。吹大呂之音。則大呂之鑪不擊自鳴。又如二琴。金鼓音韻如一。置輕草於彼之宮絃。而鼓此宮絃。則彼之宮絃自應。視其上之輕草。飛舞遊走。商角徵羽。及一切敲金擊木。莫不有然。觀於音聲之感。愈知神應之妙。

口本是圖

卷之六下

修業禮樂

二

故聞宮音。則脾臟應之而動。於以調其肫誠之情。使人神志溫舒而養其信德。聞商音。則腎臟應之而動。於以調其謙遜之情。使人神志樂善而養其智德。聞角音。則肝臟應之而動。於以調其慈愛之情。使人神志惻隱而養其仁德。聞徵音。則心臟應之而動。於以調其肅恭之情。使人神志整齊而養其禮德。聞羽音。則肺臟應之而動。於以調其容讓之情。使人神志方正而養其義德。蓋五常發於五情。五情通於五臟。而惟樂音之神。與人身之神。交相感應。外韻甫和。內欲卽化。曠怡之趣。不知其然而然。無迹之速。應真有神。不可測者。夫欲化。則仁還。仁還。則通帝衷。復元命。生人之道畢矣。此樂音之感人。所以爲至妙也。

大樂和陰陽。通鬼神。洽人物。此聯彼貫。機本

乎一氣

大樂。謂大成之樂也。此所謂鬼神乃天地之鬼神也。洽亦和也。樂之感人。

調情化欲其效固大。然此猶屬一人之身。推而廣之。凡陰陽鬼神人物之廣遠。莫非大樂之感。格蓋天地之中。止此一氣。化生不息。故流通無間。無不相應之端。是以一元分爲陰陽。陰陽運於鬼神。鬼神著於人物。流動之氣凝爲形聲之氣。形聲之氣復散爲流動之氣。原屬一體相貫。而大樂之作。自能相感而和。助乎陰陽之生成。鬼神之運化。使風雷時晴雨均。三光明。寒暑平。五穀登。萬物蕃。是陰陽和而鬼神通。旣見感孚之妙。且作於廟而靈爽來格。作於朝而君臣相愛。作於國而官民相安。作於家室而父子相親。兄弟相依。夫婦相諧。作於鄉而師友戚黨無一不相敦睦。甚至頑逆向化。鳥獸儀舞。樂道之感孚。更爲至。

神良由韻和欲化。欲化。仁還。各平其氣而至
愛金出。所以太和之休。有以洽乎五倫。而及
乎萬物也。觀於陰陽鬼神人物之相感。可知
此聯彼貫之妙。達幽通微。非其機之發動。本
於一氣。何以若是乎。則夫造化觀內外之相
之全體大用。無不該於樂中矣。符知功化之至極。蓋動五臟調五情養五常
通鬼神洽人物是樂之符於外也。功化至性
此尚有復加者乎。甚矣樂道之大而妙也。通帝眷惟藉太和之臻。仁復元命。尤賴五神
之感。言惟樂之功化。至極無加。愈見五神之
感。不可須臾少離。蓋帝爲大父。人爲帝
子。念慮原相聯貫。然性本至仁。因形生欲。因
欲成囿。失其本初之仁和。遂自絕於帝而眷

顧不通。故吾性通帝之道。惟在自臻太和。返其本真。返本則仁。仁則自能復還元命。而帝眷始通。但復命在於全仁。全仁原有實功。禮節之外。尤必賴乎五音之養。五神之感。而後欲消和浹。併化乎禮節之迹。斯為物我於以至仁之全也。樂道所係之重如此。無間造化於以潛孚。神感音通。自然韻和。欲化全體。仁愛既無物我之間。而命復眷錫。造化不且潛孚而和氣音致祥乎。此樂之為用。所以與禮節並重也。聲一本。豈有貞淫之殊。邪正由心。不無變化之異。故正者感焉而皆貞。邪者感焉而皆淫。此下言貞淫之變。不在音聲而在人心。以起下修樂之意也。樂之和諧而正者。曰貞樂之。

乖戾而邪者。曰淫。變化。氣隨性遷。變化以成
貞淫也。蓋音聲共出一本。原無貞淫之殊。惟
人心之動。因形生欲。邪正不同。正則性自帥
氣。變化而爲貞。邪則性亦帥氣。變化而爲淫。
故正者之感於樂。貞固貞。邪亦貞也。邪者之
感於樂。邪固邪。貞亦邪也。審乎貞淫之由。察
乎邪正之幾。則或感外而達內。陽通其陰。或
感內而達外。陰通其陽。陽卽外。陰卽內也。蓋
造化物我。一氣不分。
其相聯貫。故相感無間。而所通各有內外。陰
陽之別。然內外無二理。陰陽惟一原。氣機通
達之妙。正非人力所能強也。○按內外陰陽
之感。事有明驗。卽如師曠聽南風。知楚之不
競。是感外氣之變。而達於內。陽通其陰也。又
如蔡邕觀捕蟬。琴韻卽傳殺伐之聲。是感內

氣之變而達於外。陰通其陽也。夫內不能不達於外。外不能不達於內。則邪正貞淫之間。君子可不慎。邪正有和乖之情。貞淫有善敗其所感歟。

之應休咎運於一氣。神化發於未形。

善敗猶言成敗

也。言內外陰陽感通至捷。則心之邪正必感為樂之貞淫。邪正者既有和乖之情。貞淫者自有善敗之應。蓋性帥氣而變。氣從性而化。其和而善者為休。乖而敗者為咎。皆運於一氣之中。而聽乎自性之轉移。即其形迹未著而五音之神已代性化而發其將萌之機。此在外固難以欺內。而在內亦難以掩外者也。聲音之感真微矣哉。相感既在乎人。修樂宜知其要。

此下言修樂之要也。蓋聲音之相感既在乎人。

心之邪正。則修樂者宜先知。首明仁和之本。其要領。乃能收聲音之功也。

本立而逐處皆樂。次習形器之末。末修而因

感濟

和承上知要之意而言。樂有本有末。仁

首明仁和之原。性所自具。了悟貫徹而無疑。則欲自消。欲消則真樂自現。凡日用動靜。逐處皆有逢原自得之趣。然後再習形器之末。如琴瑟簫管之類。審其音調。其韻齊其律節。其序則末亦無不修。而因外感而濟內和。以化其未盡消之欲。斯能復還仁和之域。而得其本真之樂也。蓋末修而本不立。則內無元和外樂雖作而不能入。本立而末不修。則外無和感。內欲雖消而不能化。惟本末兼理。然

內外交養。自然欲念盡泯。而仁和始復矣。然

隆大成襄贊之美。著八音迭奏之妙。備羽籥
干戚之器。定屈伸舒疾之節。昭功象德。感天
地而效靈。易俗移風。諧神人於同樂。大君主
其制作。萬民沛其化育。自有損益定規。非關
士庶可議。大成。朝廷大樂之名。襄贊。大成之
樂。分職襄贊。一人各執一器也。八
音。卽金石絲竹匏土革木之八音也。迭奏。更
迭進奏也。羽籥。文舞所執。干戚。武舞所執之
物也。屈伸舒疾。謂執器舞蹈而身有屈伸。容
有舒疾也。功德。大君治世之功德也。形器之
末。固足濟和。然化世大樂。如衆職襄贊之美。
八音迭奏之妙。羽籥干戚之器。屈伸舒徐之

節所以昭功象德使天地效靈嘉祥著休移
易風俗使神人同樂感格一氣惟大君得主
其制作萬民各沛其化育熙熙皞皞同享昇
平之樂以成郅隆之治故其或損或益良規
定於一人士庶仰籍薰陶豈得擅自擬議良
由大成之樂乃聖王化世之大權帝命所關
原非士庶惟是樂貴致和人人各具一性韻
所能與也
能化欲物物皆含五音化欲與消欲有別消
者減少之謂化者盡
泯之謂也言化世大樂固非士庶可議而借
物感和自有隨宜之便蓋人性本和惟樂能
致而樂之所賴以致和者韻也故欲能固和
而困韻能化欲而無良由韻發於物和本於
性其出一原兩相對待無人不具一性無物
不含五音是一物之韻即足感和化欲以復

還吾性之本然。又何必。風。月。花。鳥。無處不發。廣備衆器而後爲樂乎。

其韻。

言凡物皆含五音。亦凡物皆發至韻。卽如風聲有八。聽八風。可以制八音。又如

月。

體無光。借日爲光。吾人性形相依。觀明月

可以悟性道。又如花乃草木之精英。卽本身

之著神。覩其明媚。可以動天機。又如鳥語多

司喚時。亦其本身著神所化。聞其啼喚。皆可

以感性靈。是太和之韻。真無處而不發。人琴

日處於風月花鳥之中。惟在自悟而已矣。琴

瑟。簫。管。得一足調其情。

琴瑟簫管皆樂器之名。風月花鳥韻發太

和。固在人自取。而日用樂器更當有所熟習

之物。卽如琴瑟簫管。皆不假他人之力。取捨

自便。得一二器。卽可禁邪僻。防淫佚。化欲感

和。調自性之情。而無難。其餘諸器。隨便而用。

則太和自洽身家矣。○按琴伏羲所作。其時有丹鳳棲於碧梧。喈喈有聲。伏羲見之。因採嶧陽之桐。削而爲琴。卽採嶧山之蘘。抽絲爲絃。以定音律。而天下化瑟。巨桑所作。昔五十絃。今折其半。爲二十五絃。一手鼓清聲。一手鼓濁聲。陰陽皆得其和。簫管併黃帝命伶倫所作。截昆山之竹。制爲簫管。定六律。正五音。以和天下。今諸器俱存。斯世惟在吾人。按器求音。自見感通之妙也。

山水啓機於動靜。鳶魚觸趣於

飛躍。笳韻砧聲。思每興。夫鄉國牛歌秧曲樂

亦發乎昇平。

笳。卷蘆葉而吹之。亦樂器也。砧聲。杵衣之聲也。牛歌。牧牛童子

乘牛背而作歌也。秧曲。水田栽秧而咏曲也。亦承上意。推廣樂道之妙。無徃非感和之助。

卽如山靜水動。峙流之狀。有似於隨遇之安。
觀之。而其機自啓。又如鳶飛魚躍。俯仰之間。
有似於適性之樂。觀之。而其趣自觸。又如笳
韻砧聲。客窓一聽。而鄉國之思。自興。牛歌秧
曲。行道一聞。而昇平之樂。自發。是凡天地覆
載之物。有情無情。無一不有真樂具於其中。
而惟善悟者。能自領之也。他如日星光燦。草
木翻蕃。雨洒葉聲。風敲竹韻。以及夏日鶯啼。
秋日蛩鳴之類。自當類推而得其妙矣。

三籟皆生意之含。四序

盡元和之流。

籟猶聲也。三籟者。天籟風聲。地籟水聲。人籟歌咏是也。四序卽

四時。言其行之有序也。亦承上言無物非樂。
無樂不感。以致反覆醒覺之意。蓋三籟之發。
人皆習而不察。若澄心靜聽。自皆見有生意
之含。以感觸吾性之元和。而且四時運行生

機推遷花卉按時而易。山水因時而改。鳥獸應時而更。風聲隨時而變。日新不已。無非造化。元和之流。然實與吾性之元和共出一真。本人能遠取近驗。其於樂道思過半矣。

樂全須領受。感發豈專鼓吹。神純志靜。至韻

觸物卽得。欲蔽性昏。佳音盈耳不聞。

鼓吹作樂之總

名也。樂道旣廣。則感發之益。惟在吾人自爲領受。正不可專索鼓吹。徒務外飾。蓋樂以致和爲要。若能明其大本。在於人心自然。欲念漸消。神純志靜。觸物卽得至韻。以感其元和。是聲固樂。卽色亦無非樂也。鼓吹之聲固樂。卽自然之聲。亦無非樂也。若大本不明。失白具之元和。而欲蔽性昏。雖索盡鼓吹。究竟逐處煩愁。無一善狀。不且佳音盈耳而不聞乎。

甚矣。顧受之功。不可外求也。宜察色象形聲之別。兼詳天

工人作之妙。

此又細推樂業之類。而專其功於人作。以起下文之意也。蓋造

化一本感應通神。無非樂道之妙。而其類正宜詳察。卽如仁和內具。乃色象形聲俱無之樂也。八方風聲。乃有聲而無色象形之樂也。山水花月。乃有色象形而無聲之樂也。鳥語蟲鳴。琴瑟簫管。乃色象形聲俱備之樂也。然四者之中。惟內具仁和。爲元靈本體。實資感通於羣樂。而風月花鳥之屬。由於天工。琴瑟簫管之屬。賴於人作。由天工者。隨乎天機。賴人作者。盡乎人力。天人交致其功。則造化音樂之妙。自無不得。而本體仁和之樂。自無不矣。全元和自在人心。本非外假音韻。仍存器具。

惟務躬修。

此下特申人作之樂。以見修樂自有專功也。蓋天工之樂。雖具自然

之妙。然泛而難悟。惟人作之樂。隨時躬修。感通實爲至切。良由樂貴致和。而元和自在。人心本不外假增益。况音韻之和。仍存器具之中。一物各含五音。一音互藏五聲。愈分愈細。各有定數。數盡則音自無。此乃造化自然之韻。原與人心自具之和。一本相符。吾人躬修樂業。惟務按器求音。按音和韻。韻和而性亦和。在內之和。卽在外之和。在外之和。卽在內之和。一而而不分。而仁全命復。生人之道畢矣。若不力務躬修。徒事口談律呂。毫無益於身心。智者顧如是乎。○按禮樂爲全仁復命之本。所關甚重。而修之貴得其要。禮必先檢已身。次遵王制。以寡其過。樂必首明元和。次習一器。以化其欲。卽可全仁復命。而無難。乃後

人於禮樂儀節器具。每不身親調習。輒謂秦
火焚書。古典散失。無可考究。羣相怨痛。坐令
禮樂廢壞。不修。夫修禮之感。前已附辨。惟是
樂本致和。而元和之樂。仍在人心。故古昔聖
人。聽八風之音。作樂以宣人心之和。秦火縱
能焚毀。要不過焚書而已。豈能併人心風聲
而一概焚之乎。且音韻出於器具。自有定數。
律呂不過定音之則。本無深義。苟能誠心按
器調習。自能得其精妙。乃支離穿鑿。舍器具
之定音。而徒怨秦火。苦索律呂。以爲古法失
傳。不思音韻由器具而出。律呂由音韻而定。
古人於器具。未有之先。無中生有。以造音樂。
今人可於器具全備之時。反棄有求。無而甘
心廢樂乎。夫人性各具元和。萬物各含五音。
其感通之妙。惟在音韻之諧和。不在器具之
今古。是卽器具無存。猶宜自制一器。以感其

和况器具之全備乎。若謂古器工巧。今實不如。然細考今器。如紙筆眼鏡碾磨自鳴鐘之類。精於古人者甚多。豈得謂今人不及古人乎。可知樂貴身親學習。不貴苦索古典。脫無學習之功。卽秦火未焚。樂經山積。誦讀終身。而不識器具之名。不辨鼓吹之節。亦何益乎。鐸師此則。灼見禮樂之原。一洗陋習。大爲發覆。故附論於此。實不自知其言之長云。學者誠觀於是。而實用其力。自然仁熟。習精思積。全命復禮樂之經。尚何亡哉。

久自明其理。口傳手授。誠求卽遇其人。

蓋樂理雖

深。然其元和在人心。音律在萬物。器具在斯世。誠能習之以熟。思之以精。形神並進。積久不懈。何患至理不明。但樂乃實務。不可專恃已功。必求口傳手授之人。用力自然。倍易切。

勿謂世無知音。甘心廢棄良由造化盡於感應。萬事立於誠求。苟能積誠以感。悉心探訪。天下卽有應感之人。况性形同原。卽使果無知樂之人。又何難無中生有。自明其理乎。斯爲全仁之極功。莫懈順命之實務。此總結樂業之意也。生人之道在於通帝。通帝之要在於順命。順命之學在於全仁。全仁之功在於修業。盡倫農以養之。工以利之。禮以節之。至樂以和之。而其功極矣。生人之道亦盡矣。順命者焉。可少懈其力哉。而其詳亦見後樂律門中。

修業章禮樂後論

夫禮者。天地之節也。樂者。天地之和也。上二分

言禮樂之道所係甚大。此下復統言之。以致其反覆叮嚀之意也。蓋禮樂之道原於帝命具於人性。而徵實於天地之間。故禮即天地萬物之節。叙樂即天地萬物之元和。在人心與在天地。初無所異也。而其節故百物皆別。不言萬物者。該於天地也。

和故百物皆化。天地惟有其節。故百物之體皆別而不亂。天地惟有其和。故百物之體皆化而不滯。禮樂之著於物者。如此其妙。而人更可知矣。乃修齊

之要務。治平之重典。此由天地百物之皆需禮樂以漸推於人。而知

其功爲甚大也。蓋欲修齊治平。而節之以禮則無爭。和之以樂則無怨。禮樂之益人。不其要且重哉。然必本末之相應。斯能性形之兩盡。謂本

敬和之天德也。末謂禮之儀節樂之器具也。
承上言禮樂固為修齊要務。治平重典。然必
敬和之本。與儀器之末。內外相
應。形性始能兩盡。而無虧也。五倫自然順

序。萬物無不得所。

蓋形性既能兩盡。則以之
施於倫理。自然順序。被於

物用。無不得所。是人亦別而
化矣。禮樂之益。豈淺鮮哉。

欲淨仁純。通帝

衷而眷錫。形化性存歸。帝闕而昭明。

言禮樂
節和之

功。至於五倫順序。萬物得所。自然欲淨仁純。
生則蒙眷錫。死則樂昭明。而人道始克全也。

苟敬和之天德。不積於中。禮樂之儀器徒飾

於外。則欲固性遷仁。喪道塞。既絕上通之堦。

必失眷顧之恩矣。

此言舍本飾末之咎。以惟示人當本末之相副也。

知禮樂之至重。兼念農工之匪輕。

此下又推及農工二

業均爲要務。以總收通章之意也。言修禮樂則形性兩安。失禮樂則形性兩困。是禮樂之所關。固爲至重。然非農工之養利。則形無所依賴。又何以修禮樂而化欲全仁。盡性復命乎。是禮樂重而農工亦未嘗輕也。

四業並修。倫盡而元仁克

全。元仁無虧。命復而恩眷永錫。

永錫兼生死而言也。蓋四

業均重。自宜並修。苟能並修。則五倫自盡。五倫既盡。則元仁自全。元仁既全。則大命自復。大命既復。則恩眷自然永錫。而無有窮期。乃知吾人立功。惟此四業爲帝命之要務。切實

可據。若外此他求。莫舍此而他務。宜及時以
即召違命之凶矣。奏功。奏進也。言四業所係。既爲甚重。必宜及時進修。豈可他務廢功。蓋生機之流。如火然水逝。進功而時亦往。不進功而時亦往。又安可虛度時日。以自貽伊戚乎。

2

1881-1882







